



Nefndasvið Alþingis
Umhverfis- og samgöngunefnd
Austurstræti 8-10
150 Reykjavík

Gunnarsholti, 5. febrúar 2020

Efni: Frumvarp til laga um breytingu á lögum um loftslagsmál, nr. 70/2012 – 467. mál

Með rafbréfi frá nefndasviði Alþingis, dags. 23. janúar 2020, barst Landgræðslunni frumvarp til laga um loftslagsmál (hlutverk loftslagsráðs), 467. mál. Óskað var umsagnar stofnunarinnar um málið.


Landgræðslan telur að efni frumvarpsins sé af hinu góða og leggur til að það verði samþykkt.


Með samþykkt frumvarpsins eru lagðar enn frekari skyldur á loftslagsráð en gert er í gildandi lögum. Í þessum auknu skyldum felst að loftslagsráði er ætlað að leggja fram álitserð um það hvort aðgerðaáætlun stjórnvalda í loftslagsmálum uppfylli yfirlýst markmið stjórnvalda og alþjóðlegar skuldbindingar.

Þó að framangreint hlutverk megi, með nokkrum vilja, lesa út úr b og c-lið 2. mgr. 5. gr. b. í lögum um loftslagsmál, væri akkur í að lögfesta slíkt hlutverk ráðsins. Með slíkri lögfestingu væri tryggt að þeir sérfræðingar sem loftslagsráð skipa hafi möguleika á að koma með formlegum hætti að sínum athugasemdum og ábendingum um hina lögbundnu aðgerðaráætlun í loftslagsmálum. Fyrir utan þann augljósa kost að tryggja aðkomu sérfræðinga að aðgerðaráætlun stjórnvalda, hvað gæði hennar varðar, má gera ráð fyrir að slík aðkoma auki trúverðugleika hennar.

Ljóst er að þegar bætt er við verkefnum á Loftslagsráð, fylgir því aukin vinna sérfróðra aðila af ýmsu tagi. Landgræðslan vill leggja á það áherslu að Loftslagsráði verði gert kleift að kaupa vinnu utanaðkomandi aðila, til að uppfylla skyldur sínar. Það er tæpast ætlunin að ætla starfsfólki á vegum Loftslagsráðs að vinna öll verkefni, enda þyrfti þá að fjölga starfsfólki nokkuð og í raun búa til nýja ríkisstofnun.

Virðingarfyllt,
f.h. Landgræðslunnar


Árni Bragason,
Landgræðslustjóri.


Birkir Snær Fannarsson,
lögfræðingur.